

PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, člana 67. Zakona o budžetima u Federaciji Bosne i Hercegovine („Službene novine FBiH“, broj: 102/13, 9/14, 13/14, 8/15, 91/15, 102/15 i 104/16) i člana 38., 40. i 41. Zakona o dugu, zaduživanju i garancijama u Federaciji Bosne i Hercegovine („Službene novine FBiH“, broj: 86/07, 24/09, 44/10 i 30/16), Skupština Zeničko-dobojskog kantona, na svojoj ___ . sjednici, održanoj __. __. 2017. godine, usvaja

ODLUKU

O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I MEĐUNARODNE ASOCIJACIJE ZA RAZVOJ ZA REALIZACIJU PROJEKTA SVJETSKE BANKE „ENERGETSKA EFIKASNOST U BOSNI I HERCEGOVINI“ ZA FEDERACIJU BIH U 2017. GODINI

Član 1.

(Prihvatanje zaduženja)

Prihvata se zaduženje Zeničko-dobojskog kantona prema Federaciji Bosne i Hercegovine (u daljem tekstu: Federacija) u 2017. godini, po osnovu Sporazuma o finansiranju između Bosne i Hercegovine i Međunarodne asocijacije za razvoj za realizaciju Projekta Svjetske banke „Energetska efikasnost u Bosni i Hercegovini“ za Federaciju BiH, u iznosu do 1.800.000,00 KM.

Član 2.

(Namjena kreditnih sredstava)

Kreditna sredstva iz člana 1. ove Odluke namijenjena su za finansiranje unaprijeđenja energetske efikasnosti na školskim objektima na području Zeničko-dobojskog kantona, kroz mjere energetske efikasnosti koje mogu uključivati sanaciju omotača zgrade, prozora, krova, unaprijeđenje sistema grijanja/hlađenja, osvjetljenja i druge mjere za unaprijeđenje energetske efikasnosti.

Član 3.

(Ovlaštenje za potpisivanje podugovora)

(1) Kreditna sredstva iz člana 1. ove Odluke, Federacija će posebnim podugovorom prenijeti na Zeničko-dobojski kanton.

(2) Za potpisivanje posebnih podugovora o prenosu kreditnih sredstava po Projektu iz člana 1. ove Odluke, između Federacije i Zeničko-dobojskog kantona, ovlašćuje se ministar Ministarstva finansija Zeničko-dobojskog kantona.

Član 4.

(Uslovi kredita)

Kreditna sredstva iz tačke I ove Odluke prihvataju se pod sljedećim uslovima:

- a) Iznos kredita do 1.800.000,00 KM.
- b) rok otplatedo 10 godina
- c) grace period3 godine
- d) maksimalna stopa troškova održavanja kredita0,5% godišnje
- e) servisni troškovi0,75% godišnje

- f) kamatna stopa 1,25% godišnje
g) Datum plaćanja glavnice i kamata..... 15. februar i 15. august svake godine.

Član 5.

(Osiguranje naplate dospjelih obaveza)

(1) U svrhu redovne otplate kredita, Zeničko-dobojski kanton je saglasan da Federacija, u slučaju neredovnog ispunavanja obaveza po Kreditu, bez upozorenja može dospjele obaveze direktno naplatiti sa računa javnih prihoda, i to iz dijela prihoda koji pripadaju Zeničko-dobojskom kantonu.

(2) Zeničko-dobojski kanton se obavezuje da će u svrhu naplate svih potraživanja po ovom Kreditu, Federaciji dostaviti bjanko mjenice, Zeničko-dobojski kanton ovlašćuje Federaciju da primljene bjanko mjenice može koristiti za naplatu dospjelog potraživanja.

Član 6.

(Osiguranje sredstava u budžetu)

U periodu dospijeća obaveza po Kreditu potrebno je osigurati sredstva iz Budžeta Zeničko-dobojski kanton za izmirenje dospjelih obaveza.

Član 7.

(Realizacija odluke)

(1) Za realizaciju ove Odluke i izvještavanje zadužuje se Ministarstvo finansija Zeničko-dobojskog kantona.

(2) Ova Odluka će se dostaviti Federalnom ministru finansija/financija na dalje postupanje.

Član 8.

(Stupanje na snagu)

Ova Odluka stupa na snagu danom donošenja i objavit će se u "Službenim novinama Zeničko-dobojskog kantona.

Broj: 01-_____/17.
Datum, __. __.2017. godine
Zenica

PRESJEDAVAJUĆI

Jasmin Duvnjak

DOSTAVLJENO:

1x Stručna služba Skupštine,
1x Stručna služba Vlade,
1x Ministarstvo finansija,
1x Ministarstvo za obrazovanje, nauku, kulturu i sport,
1x „Službene novine Zeničko-dobojskog kantona“,
1x Federalno ministarstvo finansija,
1x a/a.

O b r a z l o Ź e n j e

I PRAVNI OSNOV:

Pravni osnov za donošenje ove odluke sadržan je u članu 37. stav 1. tačka f) Ustava Zeničko-dobojskog kantona, članu 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15 i 104/16) i članu 38., 40. i 41. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16).

II RAZLOZI ZA DONOŠENJE

Vlada Zeničko-dobojskog kantona je usvojila Zaključak, broj: 02-17-19829/16 od 05.12.2016. godine, kojim je data prethodna saglasnost Ministarstvu za obrazovanje, nauku, kulturu i za učestvovanje u projektu „Energetska efikasnost u BiH“ za Federaciju BiH u 2017. godini, a koji će se finansirati iz kredita Svjetske banke preko Međunarodne asocijacije za razvoj.

U međuvremenu, Vlada Zeničko-dobojskog kantona je usvojila Zaključak, broj: 02-17-1001/17 od 23.01.2017. godine o izmjeni i dopuni Zaključka i Zaključak o dopuni Zaključak, broj: 02-17-8380/17 od 01.06.2017. godine, kojima je izmjenjen i dopunjen gore navedeni Zaključak o davanju prethodne saglasnosti.

S tim u vezi, od prethodno usaglašanih i usvojenih 12 projekata koji su planirani kao predmet implementacije u drugoj godini projekta, na kraju je određeno 6 školskih objekata iz nadležnosti Ministarstva za obrazovanje, nauku, kulturu i sport, koji će biti uključeni u ovaj projekat u 2017. godini.

Članom 9. stav (3) tačka b) Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj 15/16), propisano je da gornji iznos novog zaduživanja Kantona u 2017. godini i pripadajuće kamate, u svrhu učestvovanja u projektu „Energetska efikasnost u BiH“ za Federaciju BiH, a koji će se finansirati iz kredita Svjetske banke preko Međunarodne asocijacije za razvoj iznosi do 3.128.077,42 KM.

U međuvremenu, od strane Federalnog ministarstva za prostornog uređenja – Implementacione jedinice projekta „Energetska efikasnost u BiH, dostavljen je akt broj 01.23-1/17-550 od 07.06.2017. godine, u kojem je navedeno da je pri samom kraju kompletiranje procesa izbora dobavljača radova za objekte sa područja Zeničko-dobojskog kantona koji su predviđeni sa predmetni projekat, da je potrebno potpisati supsidijarni ugovor između Vlade Kantona i Federalnog ministarstva finansija, te da ukupan iznos Supsidijarnog ugovora za svih šest objekata treba biti 1.778.843,06. KM.

Također, od strane Voditelja projekta, koji je izvršio konsultacije sa Federalnim ministarstvom finansija, obaviješteni smo dana 22.06.2017. godine da je „potrebno da Skupština Zeničko-dobojskog kantona donese novu odluku kako bi se Zeničko-dobojski kanton zadužio po osnovu vanjskog duga, obzirom da se radi o sredstvima Svjetske banke“.

Imajući u vidu navedeno, utvrđen je Prijedlog predmetne Odluke.

III OBRAZLOŽENJE PRAVNIH RJEŠENJA

Članom 67. Zakona o budžetima u Federaciji BiH utvrđeno je da se kanton može zadužiti i izdati garancije u svrhe, na način, pod uvjetima i u obimu propisanom zakonom kojim se uređuje dug, zaduživanje i garancije u Federaciji.

Odluka je izrađena u formi prijedloga akta, u skladu sa članom 152. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

IV FINANSIJSKI EFEKTI

Za realizaciju prijedloga Odluke planirana su sredstva u Budžetu Zeničko-dobojskog kantona za 2017. godinu.

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva finansija, Vlada Zeničko-dobojskog kantona, na 102. sjednici, održanoj 13.07.2017. godine, d o n o s i

ZAKLJUČAK

I.

Utvrđuje se Prijedlog Odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj za realizaciju Projekta Svjetske banke „Energetska efikasnost u Bosni i Hercegovini“ za Federaciju BiH u 2017. godini.

II.

Prijedlog Odluke iz tačke I ovog Zaključka, upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____ /17.

Datum, 13.07.2017. godine

Zenica

PREMIJER

Miralem Galijašević

DOSTAVLJENO:

1x Ministarstvo finansija,

1x Ministarstvo za obrazovanje, nauku, kulturu i sport,

1x Stručna služba Skupštine,

1x a/a.